

EMENDAS PRESENTADAS ÁS PNP E MOC PARA O PLENO DO 13/12/2016

2. Mocións.....	3
2.1 10/MOC-000001 (0001619).....	3
(0001619) Entrada da iniciativa.....	4
(0002224) Emendas dos grupos parlamentarios	6
2.2 10/MOC-000002 (0001624).....	8
(0001624) Entrada da iniciativa.....	9
(0002217) Emendas dos grupos parlamentarios	11
2.3 10/MOC-000004 (0001660).....	15
(0001660) Entrada da iniciativa.....	16
(0002225) Emendas dos grupos parlamentarios	18
3. Proposicións non de lei ante o pleno.....	20
3.1 10/PNP-000020 (0000477).....	20
(0000477) Entrada da iniciativa.....	21
(0002220) Emendas dos Grupos Parlamentarios	24
3.4 10/PNP-000097 (0001050).....	26
(0001050) Entrada da iniciativa.....	27
(0002218) Emendas dos Grupos Parlamentarios	30
3.5 10/PNP-000108 (0001211).....	31
(0001211) Entrada da iniciativa.....	32
(0002211) Emendas dos Grupos Parlamentarios	34
(0002212) Emendas dos Grupos Parlamentarios	36
(0002222) Emendas dos Grupos Parlamentarios	38
3.6 10/PNP-000113 (0001254).....	40
(0001254) Entrada da iniciativa.....	41
(0002223) Emendas dos Grupos Parlamentarios	45
3.8 10/PNP-000129 (0001397).....	46
(0001397) Entrada da iniciativa.....	47
(0002213) Emendas dos Grupos Parlamentarios	49
(0002221) Emendas dos Grupos Parlamentarios	51
(0002219) Emendas dos Grupos Parlamentarios	53

2. MOCIÓN.

2.1 10/MOC-000001 (0001619)

Grupo Parlamentario de En Marea - Luis Villares Naveira

Sobre as medidas que debe adoptar a Xunta de Galicia en relación coa exclusión social e a pobreza. (Moción, a consecuencia da Interpelación nº 375, publicada no BOPG nº 6, do 3.11.1016, e debatida na sesión plenaria do 22.11.2016)



(0001619) Entrada da iniciativa



Á MESA DO PARLAMENTO

O **Grupo Parlamentar de En Marea** por iniciativa do seu voceiro **Luís Villares Naveira**, ao abeiro do disposto no artigo 151.2 do Regulamento da Cámara, presenta a seguinte **Moción** para substanciar a Interpelación **375 (10/INT-000001)** debatida na sesión plenaria do 22 de novembro de 2016, sobre a política da Xunta de Galicia en relación coa exclusión social e a pobreza.

MOCIÓN:

1.- O Parlamento galego insta á Xunta de Galicia a adoptar as seguintes medidas:

- Establecer de forma urxente un plan de choque, que permita reducir nun 50% durante esta lexislatura o número de persoas en situación de privación material severa.
- Elaborar un plan de traballo que permita de forma inminente, dacordo cos axentes e sociedade civil do país, aliviar a pobreza enerxética.
- Aprobar nos vindeiros seis meses o decreto regulador da lei 10/2013
- Elaborar unha norma que transite dende o actual Modelo da RISGA cara modelos asimilables as rendas básicas de cidadanía.
- Erradicar os desafiuzamentos de vivenda habitual por imposibilidade de pagamento.
- Elaborar de forma urxente unha estratexia de inclusión laboral dirixida aos colectivos con máis dificultades de empregabilidade, mulleres, xovenes, maiores de 45 e parados de longa duración.
- Elaborar unha estratexia de cooperación, colaboración e corresponsabilidade entre as diferentes administracións que permita unificar e facilitar o acceso aos servizos de inclusión, mudando o modelo por outro de inclusión activa e proactiva para a Administración.



PARLAMENTO DE GALICIA
REXISTRO XERAL ENTRADA
Data asento: 25/11/2016 12:05
Nº Rexistro: 1619
Data envío: 25/11/2016 12:05:29.826



- Duplicar as partidas adicadas a cooperación no orzamento previsto para o 2017.
- 2) O Parlamento galego acorda modificar a lei de inclusión asegurando o papel da RISGA como dereito subxectivo modificando aqueles apartados que dificultan o acceso ás persoas demandantes.

Santiago de Compostela, 25 de novembro de 2016.

Asdo.: Luís Villares Naveira,

Deputado e Voceiro do G.P. de En Marea.

Asinado dixitalmente por:

Luis Villares Naveira na data 25/11/2016 12:05:00



(0002224) Emendas dos grupos parlamentarios



Á Mesa do Parlamento

O Grupo Parlamentar do Bloque Nacionalista Galego (BNG), por iniciativa da deputada **Montserrat Prado Cores**, ao abeiro do disposto no Regulamento da Cámara, presenta a seguinte **emenda á Moción**, doc. núm. **1619** e **1737**, [10/MOC-000001], do Grupo Parlamentar de En Marea, sobre as medidas que debe adoptar a Xunta de Galiza en relación coa exclusión social e a pobreza, incluída na orde do día da sesión plenaria que se vai celebrar o vindeiro 13 de decembro de 2016.

Emenda de adición:

Engadir o seguinte punto no apartado 1:

“O Parlamento insta ao Goberno Galego a tomar medidas para erradicar a pobreza enerxética. Para tal fin creárase a Tarifa Eléctrica Galega que rebaixará o recibo da luz un 30% en concepto de peaxes.”

Emenda de adición:

Engadir no apartado 2 o seguinte texto:

“O Parlamento insta ao goberno a crear e implementar un Plan de emerxencia social para Galiza co obxectivo de paliar a situación de pobreza que vivimos neste momento. Este Plan contemplará como medida fundamental o



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp.bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 12/12/2016 18:09
Nº Rexistro: 2224
Data envío: 12/12/2016 18:09:00.612

cobro inmediato da RISGA pola persoa demandante da mesma nos casos no que a súa tramitación exceda de dous meses. Ademáis o Goberno Galego garantirá que todas as persoas que se atopan no chamado o “limbo da dependencia” terán prestación pública que lle corresponde en aplicación da denominada Lei de dependencia.”

Santiago de Compostela, 12 de decembro de 2016

Asdo.: Montserrat Prado Cores

Deputada do G.P. do BNG

Ana Belén Pontón Mondelo

Portavoz do G.P. do BNG

Asinado dixitalmente por:

María Montserrat Prado Cores na data 12/12/2016 18:07:32

Ana Pontón Mondelo na data 12/12/2016 18:07:37

2.2 10/MOC-000002 (0001624)

Grupo Parlamentario de En Marea - Antón Sánchez García

Sobre as medidas que debe adoptar o Goberno galego para garantir que ningunha persoa ou familia sexa desafiuzada da súa vivenda habitual en Galicia. (Moción, a consecuencia da Interpelación nº 480, publicada no BOPG nº 7, do 4.11.1016, e debatida na sesión plenaria do 22.11.2016)

(0001624) Entrada da iniciativa



Á MESA DO PARLAMENTO

O **Grupo Parlamentar de En Marea** por iniciativa do seu deputado e voceiro suplente **Antón Sánchez García**, ao abeiro do disposto no artigo 151.2 do Regulamento da Cámara, presenta a seguinte **Moción** para substanciar a Interpelación **480 (10/INT-000003)** debatida na sesión plenaria do 22 de novembro de 2016, sobre a política da Xunta de Galicia en relación cos desafiuzamentos.

MOCIÓN:

“O Parlamento Galego insta á Xunta de Galicia a que adopte todas as medidas conducentes a garantir que ningunha persoa ou familia no noso país sexa desafiuzada da súa vivenda cando esta sexa a súa vivenda habitual:

- Incremento sustancial do parque de vivenda social público en aluguer, subindo a porcentaxe de alugueiro público co obxectivo de confluir cos niveis europeos, cunha intervención pública coordinada para a xeración suficiente de vivenda de protección pública en alugueiro e comprometendo a maior parte de reservas de chan das diferentes administracións para a posta en disposición de vivendas en réxime de alugueiro.
- Desenvolvemento dun novo programa para prevención dos desafiuzamentos que sexa eficaz e, en última instancia que garanta o realoxo, analizando o por qué do fracaso do Programa Realoxo e das medidas antidesafiuzamentos nos últimos anos para correxir as cuestións que lastrán a súa efectividade.



- Instar á modificación da Lei de arrendamentos urbanos para incrementar a regulación e control públicos sobre o mercado privado de alugueiro.
- A incrementar os orzamentos para as políticas de acceso á vivenda e a mellorar os niveis de execución orzamentarios das partidas correspondentes a vivenda.
- Extensión do censo de Vivendas Baleiras a todos os concellos, con independencia da súa poboación.
- Intervención obrigatoria do IGVS na mobilización de dito parque de vivendas para a disposición concertada ou conveniada dese fondo.
- E todas aquelas medidas sociais e económicas que eviten a chegada aos procedementos xudiciais.”

Santiago de Compostela, 25 de novembro de 2016.

Asdo.: Antón Sánchez García

Deputado e Voceiro S. do G.P. de En Marea.

Asinado dixitalmente por:

Antón Sánchez García na data 25/11/2016 12:19:33

(0002217) Emendas dos grupos parlamentarios



Á Mesa do Parlamento

O Grupo Parlamentar do Bloque Nacionalista Galego (BNG), por iniciativa do deputado **Luis Bará Torres**, ao abeiro do disposto no Regulamento da Cámara, presenta a seguinte **emenda á Moción**, doc. núm. **1624**, [10/MOC-000002], do Grupo Parlamentar de En Marea, sobre as medidas que debe adoptar o Goberno galego para garantir que ningunha persoa ou familia sexa desafiuzada da súa vivenda habitual en Galiza, incluída na orde do día da sesión plenaria que se vai celebrar o vindeiro 13 de decembro de 2016.

Emenda de adición:

Proponse engadir o seguinte texto na parte resolutiva:

“Instar á Xunta de Galicia a levar a cabo as seguintes medidas:

Vivenda garantida

Esixir ás entidades bancarias para que estas garantan un alugueiro social para as persoas debedoras de boa fe, e as súas unidades familiares, que tendo cedido a súa vivenda única e habitual en dación en pago non dispoñan de alternativa habitacional.

Os grandes tenedores de vivenda, en especial as entidades financeiras e filiais inmobiliarias, fondos buitre, entidades de xestión de activos (incluídos os



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax: 0034 981 551 420. Fax prensa: 0034 981 551 421
gp.bog@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 12/12/2016 17:10
Nº Rexistro: 2217
Data envío: 12/12/2016 17:10:35.579

procedentes da reestruturación bancarias e entidades inmobiliarias), garantirán un alugueiro social para as persoas e unidades familiares en situación de vulnerabilidade que non poidan facer fronte ao pago da súa vivenda e non dispoñan de alternativa habitacional.

Garantir ás persoas e unidades familiares en situación de vulnerabilidade que non poidan facer fronte ao pago do alugueiro as axudas precisas para lle evitar o desafiuzamento.

En ningún caso se poderá realizar o desaloxo ou desafiuzamento de persoas en situación de vulnerabilidade, xa sexa por impago de alugueiro ou ocupación en precario motivada pola falta de vivenda, sen que a administración da Xunta de Galicia garanta un realoxo adecuado.

No caso que se leve a cabo o alugueiro social nunha vivenda diferente á que reside a familia ou persoa en situación de vulnerabilidade, este realoxo producirase na zona onde estas teñan as súas redes vitais e sociais.

Creación dun parque público de vivenda a través da mobilización de pisos baleiros en mans de entidades financeiras e filiais inmobiliarias, fondos buitres, entidades de xestión de activos (incluídos os procedentes da reestruturación bancarias e entidades inmobiliarias). A administración regulará mediante lei os mecanismos que posibiliten esta mobilización.

En todas estas medidas o prezo a pagar en concepto de alugueiro social non superará o 30% dos ingresos da unidade familiar, incluídos gastos de subministros,



PARLAMENTO DE GALICIA
REXISTRO XERAL ENTRADA
Data asento: 12/12/2016 17:10
Nº Rexistro: 2217
Data envío: 12/12/2016 17:10:35.579

de acordo cos estándares de Nacións Unidas, sempre e cando os ingresos familiares superen o salario mínimo profesional; en caso contrario o prezo a pagar en concepto de alugueiro será do 10% dos ingresos e os subministros correrán a cargo das empresas subministradoras (punto seguinte).

Subministros básicos

Impedir os cortes de subministros básicos de auga, luz e gas das persoas e unidades familiares en situación de vulnerabilidade, instando ao goberno do Estado a regular a prohibición taxativa do corte de subministro unilateral por parte das empresas subministradoras de servizos esenciais.

O pagamento dos subministros básicos para as familias nesta situación farase de acordo á capacidade adquisitiva da unidade familiar, sempre respectando os estándares de Nacións Unidas.

Os custos asociados a garantir este dereito e a débeda acumulada que non poidan ser cubertos polas persoas en situación de vulnerabilidade serán asumidos polas empresas subministradoras.

Creación dun observatorio galego da vivenda

Este observatorio estará composto por representantes das institucións e entidades sociais. Será o encargado de investigar e analizar a situación da vivenda en Galiza. Entre as súas funcións estarán facer censos periódicos de vivendas



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp_bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 12/12/2016 17:10
Nº Rexistro: 2217
Data envío: 12/12/2016 17:10:35.579

baleiras, facer seguimento das políticas públicas, elaboración de informes; contará con capacidades non só consultivas senón tamén control, seguimento, denuncia, executivas e de proposta lexislativa.”

Santiago de Compostela, 12 de decembro de 2016

Asdo.: **Luis Bará Torres**

Deputado do G.P. do BNG

Ana Belén Pontón Mondelo

Portavoz do G.P. do BNG

Asinado dixitalmente por:

Xosé Luis Bará Torres na data 12/12/2016 17:10:12

Ana Pontón Mondelo na data 12/12/2016 17:10:18



2.3 10/MOC-000004 (0001660)

Grupo Parlamentario dos Socialistas de Galicia - Noela Blanco Rodríguez

Sobre as actuacións que debe levar a cabo o Goberno galego e as demandas que debe realizar ao Goberno central en relación co desemprego e a precariedade laboral. (Moción, a consecuencia da Interpelación nº 649, publicada no BOPG nº 10, do 9.11.1016, e debatida na sesión plenaria do 22.11.2016)

(0001660) Entrada da iniciativa



 Grupo Parlamentario

Á Mesa do Parlamento

Partido dos
Socialistas
de Galicia

O **Grupo Parlamentario dos Socialistas de Galicia**, por iniciativa da súa deputada, **Noela Blanco Rodríguez**, a través do seu portavoz e ao abeiro do disposto no artigo 151.2 do Regulamento da Cámara, presenta a seguinte **moción** para substanciar a Interpelación debatida na sesión plenaria celebrada o día 22 de novembro de 2016, sobre a política da Xunta de Galicia en relación co desemprego e a precariedade laboral (10/INT-000009, doc. núm. 649)

Moción

A) O Parlamento galego insta a Xunta de Galicia a:

1. Incentivar a contratación de cando menos 10.000 persoas por ano, cunha duración de tres anos, de xeito que se prime o carácter indefinido dos contratos. Apoiar economicamente a contratación laboral deste programa durante os dous primeiros anos de contrato, e incentivar cunha prima maior durante o terceiro ano os contratos que se convertan en indefinidos.
2. Poñer en marcha un plan de retorno de talento destinado a facilitar o retorno de mozos e mozas emigrados para que aborden proxectos empresariais ou de investigación en Galicia. Este programa destinaría como mínimo 10 millóns de euros anuais para a concesión de créditos a interese cero e a longo prazo.
3. Incrementar durante a X Lexislatura o orzamento dedicado a políticas activas de emprego ata alcanzar o do ano 2009.

B) O Parlamento galego insta a Xunta de Galicia a solicitar ao Goberno de España a:

1. Adoptar de maneira inmediata as medidas necesarias para derrogar o Real decreto lei 3/2012, do 10 de febreiro, de medidas urxentes para a reforma do mercado laboral, e abrir un proceso de diálogo social que dende o acordo culmine coa aprobación dun novo Estatuto dos



 Grupo Parlamentario

Partido dos
Socialistas
de Galicia

Traballadores que recupere a súa natureza orixinaria de carta de garantía dos dereitos laborais.

2. Promover unha lei de igualdade salarial entre homes e mulleres que garanta de forma real e efectiva tanto a distribución social dos traballos domésticos, como a retribución para o desempeño dun traballo de igual valor, removendo todos os obstáculos (acceso, formación, promoción, conciliación...) que o dificultan.
3. Incrementar os recursos para políticas activas de emprego transferidos a Comunidade Autónoma galega ao longo da lexislatura ata alcanzar os que se recibiron no ano 2011.

Pazo do Parlamento, 25 de novembro de 2016

Asdo.: Noela Blanco Rodríguez
Deputada do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

Noela Blanco Rodríguez na data 25/11/2016 16:03:36

Xoaquín María Fernández Leiceaga na data 25/11/2016 16:03:43

(0002225) Emendas dos grupos parlamentarios



Á Mesa do Parlamento

O Grupo Parlamentar do Bloque Nacionalista Galego (BNG), por iniciativa da deputada **Montserrat Prado Cores**, ao abeiro do disposto no Regulamento da Cámara, presenta a seguinte **emenda** á **Moción**, doc. núm. **1660**, [10/MOC-000004], do Grupo Parlamentar dos Socialistas de Galiza, sobre as actuacións que debe levar a cabo o Goberno galego e as demandas que debe realizar ao Goberno central en relación co desemprego e a precariedade laboral, incluída na orde do día da sesión plenaria que se vai celebrar o vindeiro 13 de decembro de 2016.

Emenda de substitución:

Substituír o punto 1 do apartado b polo seguinte texto:

“Poñer en marcha toda unha serie de medidas para revertir as consecuencias de anos de desregulación laboral amparada por sucesivas reformas laborais que deron carta de natureza á precariedade e temporalidade laboral, expulsión do mercado de traballo de miles de galeg@s, á emigración masiva, especialmente de mozos e mozas e que se traducen en pobreza e exclusión social. De maneira inmediata proceder á derogación das reformas laborais, e en especial: Real Decreto Lei 10/2010, de 16 de junio, de medidas urxentes para a reforma del mercado laboral, a Lei 35/2010, de 17 de setembro de medidas urxentes para a reforma do mercado de traballo, Real Decreto-Lei 20/2012 do 19 de xullo, Real Decreto-lei 3/2012 de 10 de febreiro, de medidas urxentes para a reforma do



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp.bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 12/12/2016 18:09
Nº Rexistro: 2225
Data envío: 12/12/2016 18:09:15.488

mercado laboral, o Real Decreto-lei 5/2013 de 15 de marzo de “medidas para favorecer a continuidade da vida laboral dos traballadores de maior idade e promover o envellecemento activo,o Real Decreto-lei 4/2013, de 22 de febreiro, de medidas de apoio ao emprendedor e de estímulo do crecemento e da creación de emprego.

Incremento do salario mínimo interprofesional ata acadar o 60% do salario medio.”

Santiago de Compostela, 12 de decembro de 2016

Asdo.: **Montserrat Prado Cores**

Deputada do G.P. do BNG

Ana Belén Pontón Mondelo

Portavoz do G.P. do BNG

Asinado dixitalmente por:

María Montserrat Prado Cores na data 12/12/2016 18:08:30

Ana Pontón Mondelo na data 12/12/2016 18:08:35

3. PROPOSICIÓNS NON DE LEI ANTE O PLENO.

3.1 10/PNP-000020 (0000477)

Grupo Parlamentario do Bloque Nacionalista Galego - Ana Belén Pontón Mondelo

Grupo Parlamentario do Bloque Nacionalista Galego - María Montserrat Prado Cores

Grupo Parlamentario do Bloque Nacionalista Galego - Olalla Rodil Fernández


Grupo Parlamentario do Bloque Nacionalista Galego - Noa Presas Bergantiños

Grupo Parlamentario do Bloque Nacionalista Galego - José Luis Rivas Cruz

Grupo Parlamentario do Bloque Nacionalista Galego - Xosé Luís Bará Torres

Sobre a elaboración e aprobación pola Xunta de Galicia do Plan Retorna para fomentar a volta das persoas mozas emigradas, así como a súa dotación orzamentaria

(0000477) Entrada da iniciativa




Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas **Ana Belén Pontón Mondelo, Montserrat Prado Cores, Olalla Rodil Fernández e Noa Presas Bergantiños** e dos deputados **Xosé Luís Rivas Cruz e Luís Bará Torres**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**, relativa ao impulso do Plan Retorna para fomentar o retorno das persoas mozas emigradas.

Unha das consecuencias máis dramáticas da crise económica está a ser un intenso proceso de emigración que estamos a sufrir durante os últimos anos. Segundo o IGE, dende o ano 2009 emigraron máis de 207.000 persoas, das cales 89.800 están comprendidas en idades entre 16 e 35 anos. O ano 2015 rexistrou -xunto co 2013- o maior número de persoas emigradas dende que Feijóo goberna, ascendendo a cifra a 30.707 persoas.

Os efectos da crise económica tamén son claramente perceptíbeis na evolución da poboación galega, que cambiou de tendencia durante o goberno de Feijoo. Así, o ano 2010 é o último no que se produce un incremento da poboación galega, rexistrándose continuos descensos a partires dese ano, xa que dende o 2012 Galiza perde ao redor de 15.000 habitantes anuais. Especialmente preocupante é a evolución da mocidade galega, xa que en Galiza dende o 2012 descendeu o número de menores de 35 anos en máis de 100.000 mozos e mozas, posto que pasamos de 952.937 no ano 2012 a 848.764 no actual 2016.

Esa xente moza que falta está na emigración. Ao redor de 100.000 mozos e mozas colleron as maletas para buscar un futuro que a Galiza gobernada por Núñez Feijóo lles nega. Estes datos dramáticos son un claro indicador da marcha da nosa economía. Malia o goberno proclamar un triunfal discurso da recuperación, son moitos os galegos e galegas, en especial a xente máis moza, que teñen que procurar un futuro fóra do país.




Para mudar esta tendencia son precisas medidas que atallen os problemas estruturais que padece a economía galega. Consideramos que é fundamental aproveitar as potencialidades de Galiza, apostar pola innovación duplicando o investimento en I+D+i, apostar porque o noso tecido produtivo teña crédito para levar a termo os seus proxectos de investimento, polo que cremos necesarias medidas para que o aforro galego deixe de emigrar e se traduza en crédito e investimento en Galiza, a través dunha Banca Pública Galega, e medidas que rachen as limitacións impostas a sectores produtivos estratéxicos da nosa economía.

A maiores das medidas xerais que impulsarán o dinamismo da economía galega, é preciso actuar de inmediato e de xeito concreto para que as mozas e mozos galegos teñan traballo digno na nosa terra, acorde co seu nivel formativo, e para aproveitar o investimento que supón ter a xeración mellor formada da historia e que reverta na prosperidade da nosa nación, impulsando o retorno ao país da mocidade emigrada.

Ante a situación descrita, consideramos urxente o impulso a un plan específico: un Plan Retorna dirixido a articular políticas que permitan a volta a Galiza das persoas emigradas, particularmente os mozos e mozas menores de 35 anos. É preciso elaborar este plan con participación social e sectorial, coa finalidade de que se contemple un conxunto de medidas dirixidas á volta da nosa mocidade emigrada para traballar en Galiza, para favorecermos a recuperación da nosa xuventude emigrada.

Consideramos que dito plan merece un importante esforzo orzamentario, de cando menos o 1% dos orzamentos anuais da Xunta de Galiza, co obxectivo de abarcar as diferentes situacións e actuacións. O plan deberá comprender un conxunto amplo de medidas que terán como destinatarias as persoas que retornen ou desexen retornar a Galiza, e incluírán axudas directas a empresas que contraten retornad@s, con especial atención ao retorno de de investigador@s e tecnólog@s emigrados e á incorporación laboral en sectores estratéxicos, apoio ao emprendemento, un programa de bolsas para a ampliación de estudos e un fondo de vivendas en aluguer.



Diante disto fórmulase a seguinte proposición non de lei para o seu debate en Pleno:

O Parlamento galego insta á Xunta de Galiza a aprobar o Plan Retorna, para fomentar a volta das persoas mozas emigradas, cunha contía anual de cando menos do 1% do orzamento da Xunta de Galiza, que contemple as seguintes liñas de actuación: axudas directas a empresas que contraten a emigrantes que retornan, con especial atención ao retorno de de investigador@s e tecnólog@s emigrados e á incorporación laboral en sectores estratéxicos, apoio ao emprendemento, un programa de bolsas para a ampliación de estudos e un fondo de vivendas en aluguer.

Santiago de Compostela, 26 de outubro de 2016



Asdo.: **Ana Belén Pontón Mondelo**


Asdo.: **Olalla Rodil Fernández**


Asdo.: **Noa Presas Bergantiños**


Asdo.: **Montserrat Prado Cores**


Asdo.: **Xosé Luís Rivas Cruz**


Asdo.: **Luís Bará Torres**

(0002220) Emendas dos Grupos Parlamentarios



Á MESA DO PARLAMENTO

O Grupo Parlamentar de En Marea, a iniciativa da súa deputada **Luca Chao Pérez** e a través do seu voceiro, ao abeiro do disposto no artigo 161.2 do Regulamento da Cámara, presenta a seguinte **emenda de engádegas á Proposición non de lei do Grupo Parlamentar do Bloque Nacionalista Galego, núm. 477 (10/PNP-0020)**, “Sobre a elaboración e aprobación pola Xunta de Galicia do Plan Retorna para fomentar a volta das persoas mozas emigradas, así como a súa dotación orzamentaria”, incluída na orde do día da sesión plenaria dos días 13 e 14 de decembro de 2016.

Emenda de engádegas:

Débese engadir un novo punto co seguinte texto:

“O Parlamento de Galicia insta á Xunta a:

Adoptar as medidas necesarias para eliminar os obstáculos que dificultan ás galegas retornadas o acceso ás bolsas de traballo, ás prestacións e beneficios sociais existentes, de xeito que se restablezan todos os seus dereitos sociais sen que se lles poida esixir un período mínimo de residencia.”

Santiago de Compostela, 12 de decembro de 2016.

Asinado dixitalmente por:

Luca Chao Pérez na data 12/12/2016 17:42:49



Luis Villares Naveira na data 12/12/2016 17:43:00



PARLAMENTO DE GALICIA
REXISTRO XERAL ENTRADA
Data asento: 12/12/2016 17:43
Nº Rexistro: 2220
Data envío: 12/12/2016 17:43:48.764



3.4 10/PNP-000097 (0001050)

Grupo Parlamentario de En Marea - Luca Chao Pérez

Grupo Parlamentario de En Marea - María de los Ángeles Cuña Bóveda

Sobre a recuperación pola Consellería de Cultura, Educación e Ordenación Universitaria da xestión directa dos comedores escolares, así como a actuación que debe levar a cabo para o establecemento dun único modelo de comedor escolar para toda Galicia

(0001050) Entrada da iniciativa



Á MESA DO PARLAMENTO

O **Grupo Parlamentar de En Marea**, a iniciativa das súas deputadas **Luca Chao Pérez e Ánxeles Cuña Bóveda**, e a través do seu portavoz **Luís Villares Naveira**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate en **Pleno**, sobre a **recuperación do servizo de xestión directa dos comedores nas escolas**.

EXPOSICIÓN DE MOTIVOS

O proceso de privatización do servizo de comedores escolares alentado polo Decreto 132/2013 de 1 de agosto, da Consellería de Cultura, Educación e Ordenación Universitaria consagra unha visión utilitaria dos comedores, como un mero servizo complementario que favoreza a conciliación familiar, persoal e laboral. Un decreto que afonda nas enormes diferenzas entre os nenos e nenas de Galicia, toda vez, que da carta de natureza a unha multiplicidade de opcións na provisión do servizo que xeran un auténtico reino de Taifas. Así, nos últimos anos vemos que conviven comedores xestionados por ANPAs, con comedores xestionados por diferentes administracións públicas. E, en calquera dos casos, coexisten á súa vez dous modelos de xestión, ou tres se sumamos os acordos coas escolas de hostalería, absolutamente diferentes. Temos, por unha parte, comedores xestionados directamente, onde se mercan os produtos e se cociñan nas propias instalacións dos centros escolares, e outros nos que son empresas externas quen subministran os alimentos logo de procesalos a distancias do máis variable, pasando da casual proximidade a distancias de máis de mil quilómetros.



PARLAMENTO DE GALICIA
 REXISTRO XERAL ENTRADA
 Data asento: 11/11/2016 13:20
 Nº Rexistro: 1050
 Data envío: 11/11/2016 13:20:56.388



Especialmente preocupante é este último apartado onde os menús pouco saudables, exceso de precociñados e fritos de nulo valor nutricional, comida fría, plásticos de orixe descoñecida nas comidas, son algúns dos moitos exemplos de graves deficiencias que se repiten diariamente á hora da comida nas escolas dos nenos e nenas de Galicia que viron como se despedían ás persoas ocupadas na cociña para dar negocio a empresas privadas de catering. Exemplos que padecen máis de 2800 alumnas e alumnos galegos que reciben cada día comida de servizos de catering.

Non son casos illados, senón a norma. O 42% dos días hai incidencias comunicadas polos colexios co servizo de catering. Esas só as comunicadas, cantas pasan sen que teñamos noticia é unha incógnita. Son cifras que evidencian o fracaso do modelo privatizador do Partido Popular e cuxas consecuencias estamos lonxe de poder avaliar. Consecuencias que teñen a ver coa saúde das nosas fillas e fillos, vencelladas co abandono da dieta atlántica. Consecuencias, tamén, de abandonar a concepción educativa que, ó noso entender, debería ter o servizo de comidas nas escolas.

Dende En Marea defendemos a gratuidade total do ensino público, que para que sexa real debe incluír, tamén, a gratuidade dos mal chamados servizos complementarios. Defendemos un modelo de comedor escolar 100% público, con persoal contratado pola Consellería, elaboración dos menús da man de profesionais da mesma Consellería e que conte en cada centro educativo cunha persoa responsable do servizo. Un modelo de comedores que, ademais, teña en conta o seu potencial como fonte de riqueza dinamizando o comercio local, toda vez que debería centrarse en alimentos frescos e saudables, que aposten polo comercio de proximidade, tanto por cuestións de saúde como de educación alimentaria.



Diante desta situación que prexudica tan gravemente a alimentación dos e das estudantes de Galicia, o Grupo Parlamentar de En Marea presenta a seguinte Proposición non de lei para o seu debate en Pleno:

O Parlamento de Galicia insta á Xunta de Galicia a:

1. Que defenda o dereito de todos os nenos e nenas de Galicia a ter unha alimentación de calidade independentemente da escola na que estuden.
2. Que recupere o servizo de xestión directa por parte da consellería con competencias en materia de educación, consistente na elaboración por persoal laboral da Xunta de Galicia dos menús nas dependencias do centro escolar.
3. Faga un chamamento a toda a comunidade educativa para establecer unha mesa polos comedores escolares que permita consensuar un único modelo de comedores escolares para todo o país.

Santiago de Compostela, 11 de novembro de 2016.

Asinado dixitalmente por:

Luca Chao Pérez na data 11/11/2016 13:18:51

María de los Ángeles Cuña Bóveda na data 11/11/2016 13:18:59

Luis Villares Naveira na data 11/11/2016 13:19:10

(0002218) Emendas dos Grupos Parlamentarios



 Grupo Parlamentario

Á Mesa do Parlamento

Partido dos
Socialistas
de Galicia

O Grupo Parlamentario dos Socialistas de Galicia, por iniciativa do seu deputado, Luís Martínez Álvarez, a través do portavoz e ao abeiro do disposto no artigo 161.2 do Regulamento da Cámara presenta ante esa mesa a seguinte emenda á Proposición non de lei do Grupo Parlamentario de En Marea, sobre a recuperación pola Consellería de Cultura, Educación e Ordenación Universitaria da xestión directa dos comedores escolares, así como a actuación que debe levar a cabo para o establecemento dun único modelo de comedor escolar para toda Galicia (doc. núm. 1050).

Emenda de modificación

Proponse unha nova redacción para os puntos 2 e 3 da parte resolutiva da iniciativa, que terán o seguinte contido:

2º. Que se recupere o servizo de xestión directa dos comedores escolares naqueles centros que contan ou contaban con instalacións axeitadas e que foron transformados a xestión indirecta.

3º. Que se constituía unha mesa integrada por todos os implicados no servizo de comedores escolares, na que se inclúa a Fegamp, e que permita deseñar os modelos de xestión que garantan o mellor servizo posible e coa maior amplitude de implantación na comunidade autónoma de Galicia.

Pazo do Parlamento, 12 de decembro de 2016

Asinado dixitalmente por:

Luis Manuel Álvarez Mat3nez na data 12/12/2016 17:10:23

Xoaqu3n Mar3a Fern3ndez Leiceaga na data 12/12/2016 17:10:43

3.5 10/PNP-000108 (0001211)

Grupo Parlamentario Popular de Galicia - Martín Fernández Prado
Grupo Parlamentario Popular de Galicia - Jaime Castiñeira Broz
Grupo Parlamentario Popular de Galicia - Marta Nóvoa Iglesias
Grupo Parlamentario Popular de Galicia - Álvaro Pérez López
Grupo Parlamentario Popular de Galicia - Daniel Luís Varela Suanzes-Carpegna

Sobre o desenvolvemento pola Xunta de Galicia dunha estratexia de infraestrutura verde que cree unha rede de espazos naturais e seminaturais

(0001211) Entrada da iniciativa



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 15/11/2016 17:34
Nº Rexistro: 1211
Data envío: 15/11/2016 17:34:41.220

Á Mesa do Parlamento

O Grupo Parlamentario Popular de Galicia, a través do seu Portavoz, a iniciativa das deputadas e deputados Martín Fernández Prado, Jaime Castiñeira Broz, Marta Novoa Iglesias, Álvaro Pérez López, Daniel Luis Varela Suances-Carpegna, o abeiro do disposto nos artigos 160, e concordantes do Regulamento da Cámara, presenta ante esa Mesa, a seguinte Proposición non de Lei para o seu debate en **Pleno**.

Exposición de motivos:

A Comisión Europea está a desenvolver unha estratexia para unha Infraestrutura Verde Europea (Comunicación da Comisión Europea “Infraestrutura verde: mellora do capital natural de Europa” de 6 de maio de 2013), definida como un concepto que integra a conectividade dos ecosistemas, a protección e provisión de servizos ecosistémicos e a mitigación e adaptación ao cambio climático, asegurando a provisión sostible destes servizos e incrementando a resiliencia dos ecosistemas.

Para isto a Unión Europea reforzará a integración de aspectos relacionados coa infraestrutura verde en varios programas de financiamento (fondos de cohesión e estruturais, PAC, LIFE).

En España, a Lei 33/2015, de 21 de setembro, pola que se modifica a Lei 42/2007, de 13 de decembro, do Patrimonio Natural e da Biodiversidade, introduce no seu capítulo III a creación da Estratexia Estatal de Infraestrutura Verde de forma conxunta pola Administración Xeral do Estado e as comunidades autónomas, que ten como obxectivo a identificación e conservación dos elementos do territorio que compoñen a infraestrutura verde, para que a planificación territorial e sectorial asegure a conectividade ecolóxica e a funcionalidade dos ecosistemas, a mitigación e adaptación aos efectos do cambio climático e a restauración de ecosistemas degradados. As comunidades autónomas deberán desenvolver as directrices desta Estratexia estatal nun prazo máximo de tres anos desde a súa aprobación.



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 15/11/2016 17:34
Nº Rexistro: 1211
Data envío: 15/11/2016 17:34:41.220

Ademáis dos evidentes beneficios ambientais e da repercusión na mellora da saúde e o benestar social, a experiencia europea demostra que as solucións de infraestrutura verde son rendibles e contribúen ao desenvolvemento económico, fomentando enfoques innovadores e creando novos negocios ecolóxicos, que xa representan o 5% do mercado laboral.

Por todo isto, O Grupo Parlamentario Popular de Galicia, presenta a seguinte Proposición non de Lei en Pleno:

“O Parlamento de Galicia, insta á Xunta de Galicia ao desenvolvemento dunha Estratexia de Infraestrutura Verde que cree unha rede de espazos naturais e seminaturais deseñada e xestionada para protexer a biodiversidade, proporcionar servizos ecosistémicos e incrementar a resiliencia dos ecosistemas”.

Santiago de Compostela a 15 de novembro 2.016.

Asinado dixitalmente por:

Pedro Puy Fraga na data 15/11/2016 17:15:28

Martín Fernández Prado na data 15/11/2016 17:15:44

Jaime Castiñeira Broz na data 15/11/2016 17:16:41

Marta Novoa Iglesias na data 15/11/2016 17:16:53

Álvaro Pérez López na data 15/11/2016 17:17:14

Daniel Luis Varela Suanzes-Carpegna na data 15/11/2016 17:17:49

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

(0002211) Emendas dos Grupos Parlamentarios



 Grupo Parlamentario

Á Mesa do Parlamento

Partido dos
Socialistas
de Galicia

O **Grupo Parlamentario dos Socialistas de Galicia**, por iniciativa da deputada **Patricia Vilán Lorenzo**, a través do seu portavoz e ao abeiro do disposto no artigo 161.2 do Regulamento da Cámara, presenta ante esa Mesa a seguinte **emenda** á Proposición non de lei en **Pleno** do Grupo Parlamentario Popular de Galicia, sobre o desenvolvemento pola Xunta de Galicia dunha estratexia de infraestrutura verde que cree unha rede de espazos naturais e seminaturais (10/PNP-000108, doc. núm. 1211)

Emenda de modificación

Débase substituír o texto da parte resolutiva da proposición non de lei polo seguinte contido:

“O Parlamento galego insta a Xunta de Galicia ao desenvolvemento dunha “Estratexia de Infraestrutura Verde” no ano 2017, que cree unha rede de espazos naturais e seminaturais deseñada e xestionada para protexer a biodiversidade, proporcionar servizos ecosistémicos e incrementar a resiliencia dos ecosistemas, co seguinte contido:

1. Inventario de espazos e datos actualizados de especies animais e vexetais.
2. Actuacións necesarias para mellorar o seu funcionamento e identificación dos axentes involucrados.
3. Catálogo de solucións construtivas e acondicionamentos, subvencións e medidas fiscais que fomenten o emprego de cubertas, muros e corredores verdes e medidas compensatorias por perda de solo natural.
4. Deseño da participación cidadán.
5. Campaña de difusión entre a poboación de Galicia.

Pazo do Parlamento, 12 de decembro de 2016

Asdo.: Patricia Vilán Lorenzo
Deputada do G.P. dos Socialistas de Galicia

Asdo.: Xoaquín Fernández Leiceaga



 Grupo Parlamentario

Portavoz do G.P. dos Socialistas de Galicia


Asinado dixitalmente por:

Partido dos
Socialistas
de Galicia

Patricia Vilán Lorenzo na data 12/12/2016 16:30:05

Xoaquín María Fernández Leiceaga na data 12/12/2016 16:30:13

(0002212) Emendas dos Grupos Parlamentarios



Á Mesa do Parlamento

O Grupo Parlamentar do Bloque Nacionalista Galego (BNG), por iniciativa do deputado **Luis Bará Torres**, ao abeiro do disposto no Regulamento da Cámara, presenta a seguinte **emenda á Proposición non de lei para o seu debate en Pleno**, doc. núm. **1211**, [10/PNP-000108], do Grupo Parlamentar Popular de Galiza, sobre o desenvolvemento pola Xunta de Galicia dunha estratexia de infraestrutura verde que cree unha rede de espazos naturais e seminaturais, incluída na orde do día da sesión plenaria que se vai celebrar o vindeiro 13 de decembro de 2016.

Emenda de adición:

Proponse engadir tres novos puntos:

“-A ampliar a rede galega de espazos naturais protexidos ao longo da presente lexislatura co obxectivo de achegarse á media estatal en canto a porcentaxe de superficie protexida.

-A recuperar para uso social e ambiental os espazos de dominio público marítimo terrestre do litoral –especialmente marismas e humidaís-, seguindo as determinacións do Plan de actuación Plan de Ordenación do Litoral



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp.bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 12/12/2016 16:54
Nº Rexistro: 2212
Data envío: 12/12/2016 16:54:55.526

-A incluír os espazos urbanos e periurbanos como parte central da Estratexia de Infraestrutura Verde.”

Santiago de Compostela, 12 de decembro de 2016

Asdo.: **Luis Bará Torres**

Deputado do G.P. do BNG

Ana Belén Pontón Mondelo

Portavoz do G.P. do BNG

Asinado dixitalmente por:

Xosé Luis Bará Torres na data 12/12/2016 16:54:28

Ana Pontón Mondelo na data 12/12/2016 16:54:34

(0002222) Emendas dos Grupos Parlamentarios



Á MESA DO PARLAMENTO

O Grupo Parlamentar de En Marea, a iniciativa do seu deputado **Marcos Cal Ogando** e a través do seu voceiro, ao abeiro do disposto no artigo 161.2 do Regulamento da Cámara, presenta a seguinte **emenda de substitución á Proposición non de lei do Grupo Parlamentario Popular de Galicia núm. 1211 (10/PNP-000108)**, “Sobre o desenvolvemento pola Xunta de Galicia dunha estratexia de infraestrutura verde que cree unha rede de espazos naturais e seminaturais”, incluída na orde do día da sesión plenaria dos días 13 e 14 de decembro de 2016.

Emenda de substitución:

Débese substituír a parte resolutiva pola seguinte:

“O Parlamento de Galicia insta a Xunta de Galicia a mudar a súa política forestal, superando o modelo actual de monocultivo de especies invasoras de crecemento rápido, impedindo o incremento das hectáreas actualmente ocupadas por este tipo de cultivos, ademais de ampliar de forma substancial o número de espazos naturais baixo algunha figura de protección medioambiental.”

Santiago de Compostela, 12 de decembro de 2016.

Asinado dixitalmente por:



Marcos Cal Ogando na data 12/12/2016 18:00:06

Luis Villares Naveira na data 12/12/2016 18:00:25



PARLAMENTO DE GALICIA
REXISTRO XERAL ENTRADA
Data asento: 12/12/2016 18:01
Nº Rexistro: 2222
Data envío: 12/12/2016 18:01:08.362

3.6 10/PNP-000113 (0001254)

Grupo Parlamentario dos Socialistas de Galicia - Patricia Vilán Lorenzo
Grupo Parlamentario dos Socialistas de Galicia - Matilde Begoña Rodríguez Rumbo
Grupo Parlamentario dos Socialistas de Galicia - Juan Manuel Díaz Villoslada

Sobre o artellamento polo Goberno galego dos instrumentos e das modificacións lexislativas necesarias para dotar Galicia dun sistema integral de protección ás persoas denunciante de prácticas de corrupción, ilícitas e fraudulentas



(0001254) Entrada da iniciativa



 Grupo Parlamentario

Á Mesa do Parlamento

Partido dos
Socialistas
de Galicia

O Grupo Parlamentario dos Socialistas de Galicia, por iniciativa do seu deputado, Juan Manuel Díaz Villoslada, e das súas deputadas, Patricia Vilán Lorenzo e Begoña Rodríguez Rumbo, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate en Pleno.

Na súa intervención no Debate de Investidura o portavoz do Grupo Parlamentario dos Socialistas de Galicia sinalaba:

Como as paixóns humanas están distribuídas aleatoriamente, que diría Malthus, temos que crear os marcos e instituír os incentivos que transformen os vicios privados en virtudes públicas. Vostede esqueceu a exemplaridade pública nas dúas horas de discurso. Desapareceron os problemas de corrupción?

Converte a transparencia nun principio eficaz de comportamento, cunha lei de acceso e transparencia de inspiración nórdica. Creando un rexistro de intereses para os lobbies. Creando unha oficina antifraude e protexendo aos denunciante internos para atallar a corrupción.

Durante a V Conferencia da ONU contra a corrupción, celebrada en Panamá en novembro de 2013, a corrupción foi dimensionada non só como un problema que afecta aos países en desenvolvemento, se non como unha preocupación global, un dos maiores desafíos aos que se enfronta a comunidade internacional, un perigo común que require dos gobernos medidas máis axeitadas e eficaces para ser erradicado.

Na investigación elaborada polos expertos internacionais Franz Chevarría e Martha Silvestre, a corrupción ameaza o desenvolvemento económico e social ao limitar o investimento e os recursos dispoñibles para as políticas públicas, distorsionando a asignación de fondos e as prioridades. Ademais, socava de maneira importante a confianza da cidadanía nas institucións democráticas e contribúe á inestabilidade política.



Grupo Parlamentario

Segundo o Foro Económico Mundial, o custo da corrupción equivale ao 5 % do PIB global e incrementa os custos de facer negocios nun 10 %. O Banco Mundial estima que o diñeiro pagado en sobornos polas empresas privadas ao sector público, tanto en países ricos coma en países en desenvolvemento, supón un billón de dólares ao ano.

Partido dos
Socialistas
de Galicia

A loita contra a corrupción tense convertido tamén nunha das prioridades da Unión Europea. Como alertaba a comisaria de Interior da UE, Cecilia Malmström, nunha conferencia en Gotemburgo en marzo de 2013, preto de 120.000 millóns de euros se perden cada ano por culpa da corrupción nos 27 estados membros da UE, o que equivale ao orzamento total da Unión. Os europeos son ademais plenamente conscientes: 3 de cada 4 consideran a corrupción como un gran problema para o seu país e case a metade percibe que a corrupción se incrementou nos últimos tres anos.

Ao igual que noutras rexións do mundo, hoxe en día asistimos a un crecente recoñecemento desde os gobernos de América e da Unión Europea de que a loita contra a corrupción non pode estar centrada só no papel dos servidores públicos, se non que require a corresponsabilidade entre todos os actores da sociedade. Neste sentido, a denuncia de actos de corrupción e a protección de denunciante son dúas das ferramentas clave na promoción da rendición de contas gobernamental e privada.

Para que os cidadáns exerzan o seu dereito precísase un cambio cultural nas organizacións, e que os denunciante sintan que a súa confidencialidade e protección fronte a posibles represalias e accións discriminatorias estea garantida.

Evidentemente España non é allea a esta problemática ética, social e económica. Tampouco, por suposto, Galicia. O noso país, por desgraza, ten sobrados e recentes exemplos de prácticas flagrantes de corrupción e fraude, con implicación tanto de axentes públicos como privados. Sería longo relacionar a serie de casos que estamos a contemplar todos os días nos medios de comunicación e nos xulgados. No último barómetro do CIS (outubro 2016), a corrupción e a fraude é, tras o paro, o segundo maior problema actual que existe en España.



Grupo Parlamentario

No dereito dos Estados Unidos e noutros países anglosaxóns advírtese desde hai unhas décadas a tendencia a fomentar a conduta daqueles suxeitos dispostos a revelar a comisión de actuacións ilícitas no seo da empresa para a que traballan ou, no caso de empregados públicos, da administración: os denominados “*whistleblowers*”

Partido dos
Socialistas
de Galicia

Esta figura xa existe en países que si teñen protección ao denunciante como Canadá, Estados Unidos, Bélxica, Francia (unha comisión do Senado francés empezou en xuño deste ano a estudar o proxecto de lei “Sapin 2”, que outorga protección legal aos denunciante), Noruega, Romanía, Holanda o Reino Unido; e en Alemaña, Suíza e Eslovenia está a punto de se aprobar.

As diferentes organizacións independentes que están a promover con progresiva intensidade este mecanismo de loita contra a corrupción e a fraude son partidarias de crear normativas que proporcionen protección eficaz para quen filtre información de interese xeral, como xesto da súa conciencia cidadán e, a miúdo, asumindo riscos persoais. Esta lexislación debe de establecer un mecanismo de protección para todos os denunciante, independentemente do tema ao que se refiran as súas revelacións.

A denuncia das prácticas corruptas é unha obriga cidadá, non obstante os custes persoais, sociais e laborais que poden asumir as persoas denunciante fan que a dita actitude constitúa un esforzo desmedido de valentía ligado a posibles represalias. Este feito desincentiva un dos controis primarios que a Administración debe incentivar, o dos propios empregados públicos ou privados que son coñecedores de prácticas reprochables.

Por iso, as organizacións promotoras consideran preciso que este novo marco normativo a impulsar recolla unha serie de garantías imprescindibles: liberdade de expresión, confidencialidade e protección da identidade, continuidade na súa carreira profesional e tranquilidade psicolóxica e persoal.

Ante esta situación, o Grupo Parlamentario dos Socialistas de Galicia, presenta a seguinte proposición non de lei:



 Grupo Parlamentario

O Parlamento de Galicia insta o Goberno galego para que articule os instrumentos e modificacións legislativas pertinentes que doten Galicia dun verdadeiro sistema integral de protección ao denunciante de prácticas corruptas, ilícitas e fraudulentas, tanto no eido público coma privado, coas necesarias garantías de confidencialidade, protección da identidade e da tranquilidade laboral e persoal.

Partido dos
Socialistas
de Galicia

Pazo do Parlamento, 14 de novembro de 2016

Asinado dixitalmente por:

Juan Manuel Díaz Villoslada na data 16/11/2016 18:37:28

Patricia Vilán Lorenzo na data 16/11/2016 18:37:43

Matilde Begoña Rodríguez Rumbo na data 16/11/2016 18:37:52

Xoaquín María Fernández Leiceaga na data 16/11/2016 18:38:09



(0002223) Emendas dos Grupos Parlamentarios



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 12/12/2016 18:01
Nº Rexistro: 2223
Data envío: 12/12/2016 18:01:57.581

A Mesa do Parlamento

O **Grupo Parlamentario Popular de Galicia**, a través do seu **Portavoz**, ao abeiro do disposto no artigo 161.2 e concordantes do Regulamento da Cámara, presenta ante esa Mesa, a seguinte **emenda á proposición non de lei en Pleno**, do Grupo Parlamentario dos Socialistas de Galicia, **10/PNP-000113 (1254)**, sobre o artellamento polo Goberno galego dos instrumentos e das modificacións lexislativas necesarias para dotar Galicia dun sistema integral de protección ás persoas denunciante de prácticas de **corrupción**, ilícitas e fraudulentas.

Emenda de substitución

Débase substituír o texto da parte resolutiva, polo que segue a continuación:

"O Parlamento de Galicia insta á Xunta de Galicia a solicitar do Goberno do Estado a aprobación dunha normativa de carácter estatal destinada a regular a protección das persoas denunciante de infraccións ou delitos. A dita lei deberá conter o establecemento de canles dentro das organizacións públicas e privadas que permitan a presentación de denuncias con garantía de confidencialidade".

Santiago de Compostela, 12 de decembro de 2016

Asinado dixitalmente por:

Pedro Puy Fraga na data 12/12/2016 18:01:10

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdeg Galicia.com

3.8 10/PNP-000129 (0001397)

Grupo Parlamentario Popular de Galicia - Cristina Isabel Romero Fernández

Grupo Parlamentario Popular de Galicia - Marta Rodríguez Arias

Grupo Parlamentario Popular de Galicia - María Nava Castro Domínguez

Grupo Parlamentario Popular de Galicia - Teresa Egerique Mosquera

Grupo Parlamentario Popular de Galicia - Marta Nóvoa Iglesias

Grupo Parlamentario Popular de Galicia - Miguel Ángel Tellado Filgueira

Sobre a creación polo Goberno galego dunha tarxeta dirixida especificamente aos peregrinos a Compostela que aglutine diferentes servizos de interese para eles



(0001397) Entrada da iniciativa



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 21/11/2016 12:18
Nº Rexistro: 1397
Data envío: 21/11/2016 12:18:12.450

Á Mesa do Parlamento

O Grupo Parlamentario Popular de Galicia, a través do seu **Portavoz** e por iniciativa das deputadas e deputado, **Cristina Romero Fernández, Raquel Arias Rodríguez, Nava Castro Domínguez, Teresa Egerique Mosquera, Marta Nóvoa Iglesias e Miguel Tellado Filgueira**, ao abeiro do disposto no artigo 160 e concordantes do Regulamento da Cámara, presenta ante esa Mesa a seguinte **proposición non de lei para o seu debate en Pleno**.

Exposición de motivos

Neste altura do ano 2016 xa temos superado o número de peregrinos do último Ano Santo Compostelán de 2010, pois son xa máis de 275.000 os peregrinos de máis de 150 nacionalidades que teñen recibido a "Compostela". A presenza dun número cada ano maior de peregrinos, especialmente internacionais, é unha excepcional oportunidade para os diversos sectores que prestan servizos aos nosos visitantes. Por outra banda, Galicia necesita incrementar a calidade e excelencia dos servizos turísticos para lograr unha oferta mais competitiva e rendible.

Un pulo importante para acadar este obxectivo é a creación e implantación dunha tarxeta do peregrino que aglutine os diferentes servizos aos que acceden, e mesmo aos que poden acceder, os peregrinos. Unha tarxeta que lles proporcione unha atención diferenciada e de maior calidade e que lles permita coñecer unha oferta que moitas veces pasa inadvertida.

Por outra banda esta tarxeta de fidelización para os peregrinos que acaden a meta do Camiño, redundaría nun incremento da súa estadía en Santiago de Compostela e sería unha ferramenta máis para a promoción de Galicia e os seus recursos e para combater a estacionalidade.

Por todo isto, o Grupo Parlamentario Popular, presenta a seguinte proposición non de lei en Pleno:

"O Parlamento de Galicia insta á Xunta de Galicia á creación dunha tarxeta dirixida especificamente aos peregrinos a Compostela, que aglutine diferentes servizos de



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 21/11/2016 12:18
Nº Rexistro: 1397
Data envío: 21/11/2016 12:18:12.450

interese para os peregrinos e que inclúa, entre outros: entrada única nos museos, facilidades no transporte público, descontos en actividades culturais, de ocio e restauración, en comercios e tendas de produtos galegos e de Artesanía de Galicia e nos mercados de abastos”.

Santiago de Compostela, 21 de novembro de 2016

Asinado dixitalmente por:

Pedro Puy Fraga na data 21/11/2016 12:14:19

Cristina Isabel Romero Fernández na data 21/11/2016 12:14:30

Raquel Arias Rodríguez na data 21/11/2016 12:14:36

María Nava Castro Domínguez na data 21/11/2016 12:14:44


Teresa Egerique Mosquera na data 21/11/2016 12:16:59

Marta Novoa Iglesias na data 21/11/2016 12:17:09

Miguel Ángel Tellado Filgueira na data 21/11/2016 12:17:16

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

(0002213) Emendas dos Grupos Parlamentarios



Á Mesa do Parlamento

O **Grupo Parlamentar do Bloque Nacionalista Galego (BNG)**, por iniciativa da deputada **Noa Presas Bergantiños**, ao abeiro do disposto no artigo 161.2 do Regulamento da Cámara, presenta a seguinte **emenda á Proposición non de lei en Pleno** do Grupo Parlamentar Popular de Galiza, con número de rexistro **1397, [10/PNP-000129]**, sobre a creación polo Goberno galego dunha tarxeta dirixida especificamente aos peregrinos a Compostela que aglutine diferentes servizos de interese para eles, que figura na orde do día do Pleno que se celebrará o vindeiro 13 de decembro de 2016.

Emenda de adición:

Engadir un novo punto co seguinte texto:

“O Parlamento de Galiza insta á Xunta a impulsar un plan estratéxico de elaboración interinstitucional e intersectorial para desestacionalizar e complementar a oferta turística de Santiago de Compostela.”

Emenda de substitución:

Substituír o primeiro punto polo seguinte texto:

“Impulsar, no marco desa estratexia, a creación, en colaboración coas entidades locais, dunha tarxeta dirixida especificamente ás e aos visitantes de Compostela, que



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp.bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 12/12/2016 16:56
Nº Rexistro: 2213
Data envío: 12/12/2016 16:56:45.448

aglutine diferentes servizos de interese e que poidan incluír, entre outros: entrada única nos museos, facilidades no transporte público, descontos en actividades culturais, de ocio e restauración, en comercios e tendas de produtos galegos e de artesanía de Galicia e nos mercados de abastos.”

Santiago de Compostela, 12 de decembro de 2016

Asdo.: **Noa Presas Bergantiños**

Deputada do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Noa Presas Bergantiños na data 12/12/2016 16:56:27

Ana Pontón Mondelo na data 12/12/2016 16:56:32

(0002221) Emendas dos Grupos Parlamentarios



Á MESA DO PARLAMENTO

O Grupo Parlamentar de En Marea, a iniciativa do seu deputado **Francisco Casal Vidal** e a través do seu voceiro, ao abeiro do disposto no artigo 161.2 do Regulamento da Cámara, presenta a seguinte **emenda de substitución á Proposición non de lei do Grupo Parlamentario Popular de Galicia núm. 1397 (10/PNP-000129)**, “Sobre a creación polo Goberno galego dunha tarxeta dirixida especificamente aos peregrinos a Compostela que aglutine diferentes servizos de interese para eles”, incluída na orde do día da sesión plenaria dos días 13 e 14 de decembro de 2016.

Emenda de substitución:

Débese substituír a parte resolutiva pola seguinte:

“O Parlamento de Galicia insta a Xunta de Galicia a realización dun plan específico de posta en valor e fixación de poboación nos municipios da ruta Xacobeá en Galicia, mediante a creación dun plan de emprego e dinamización, con dotación suficiente nos vindeiros orzamentos, que contemple ademais a recuperación da xestión pública directa dos servizos actualmente externalizados.”

Santiago de Compostela, 12 de decembro de 2016.

Asinado dixitalmente por:

Francisco Casal Vidal na data 12/12/2016 17:53:27



PARLAMENTO DE GALICIA
REXISTRO XERAL ENTRADA
Data asento: 12/12/2016 17:54
Nº Rexistro: 2221
Data envío: 12/12/2016 17:54:11.506

Luis Villares Naveira na data 12/12/2016 17:53:40

(0002219) Emendas dos Grupos Parlamentarios



 Grupo Parlamentario

Á Mesa do Parlamento

Partido dos Socialistas de Galicia

O Grupo Parlamentario dos Socialistas de Galicia por iniciativa do seu deputado, José Manuel Pérez Seco, a través do portavoz e ao abeiro do disposto no artigo 161.2 do Regulamento da Cámara, presenta ante esa mesa a seguinte emenda á Proposición non de lei do Grupo Parlamentario do Partido Popular de Galicia, sobre a creación polo Goberno galego dunha tarxeta dirixida especificamente aos peregrinos a Compostela que aglutine diferentes servizos de interese para eles (do. núm. 1397).

Emenda de modificación

O contido da parte resolutiva da iniciativa debe ser substituído polo seguinte texto:

O Parlamento de Galicia insta o Goberno galego para que presente no Parlamento de Galicia, nun prazo de 3 meses un programa ben estruturado da implantación da tarxeta do peregrino, no que se teña en conta para a súa elaboración entre outros colectivos ás asociacións de comerciantes, hostaleiros, etc, e no que se establezan as seguintes cuestións: onde e como conseguila, órgano responsable da súa distribución, financiamento, ámbito de aplicación ...

Pazo do Parlamento, 12 de decembro de 2016

Asinado dixitalmente por:

Jóse Manuel Pérez Seco na data 12/12/2016 17:11:43

Xoaquín María Fernández Leiceaga na data 12/12/2016 17:11:59

